

ԻՆՏԵՐՊԵԼԱՑԻԱ

«ՈՉ ՈՔ ՉԻ ՓՈՐՁՈՒՄ ԱՊԱՑՈՒՑԵԼ, ՈՐ ԱՄԵՆ ԲԱՆ ԼԱՎ Է, ԲԱՅՑ...»

ՎՐԱՍՏԱՆԻ ՎԱՐՉԱՊԵՏԸ ԵՐԿՐԻ ԽՈՐՀՐԴԱՐԱՆՈՒՄ

Մարտի 22-ին, նորանկախ Վրաստանի պատմության մեջ առաջին անգամ, կիրարկվեց կառավարություն-խորհրդարան ինտերպելացիայի (հարցապնդման) ձևաչափը:

Միջոցառման շրջանակներում, խորհրդարանի պատգամավորների առջև հանդես եկավ Վրաստանի վարչապետ Մամուկա Բախտաձեն:

Նրա խոսքով, կառավարություն-խորհրդարան հարաբերությունների նոր ձևաչափի ներդրումը անհրաժեշտություն էր ներկայիս իշխանության պայմաններում, եւ դա կդառնա սահմանադրական նորմ:

- Դա հարգանքի արտահայտություն է մեր ժողովրդի նկատմամբ, դա մեր քաղաքական կամքն է մշտապես համոզես գալ երկրի խորհրդարանի առջև, պատասխանել ծագած հարցերին: Խորհրդարանի եւ կառավարության միջեւ նման համագործակցությունը, անտարա-



կույս, նշանակալից առաջադիմական քայլ է: Մեր ողջ թիմը, կառավարության բոլոր անդամները պատասխանում են խորհրդարանականների բոլոր հարցերին, ինչը ողջունելի փաստ է,- (Շարունակությունը՝ 2-րդ էջում)

ԴԻՐՔՈՐՈՇՈՒՄ

ՄԱՍՈՒԿԱ ԲԱԽՏԱԶԵ. «ՄԵՐ ՊԼԻՍԱՎՈՐ ՄԱՐՏԱՅՐԱՎԵՐՆԵՐԸ ԱՐՔԱՏՈՒԹՅՈՒՆՆ ՈՒ ԲՈՆԱԶԱՎԹՈՒՄՆ ԵՆ»

ՈՒՍՈՒՑԻՉՆԵՐԻ ԱՇԽԱՏԱՎԱՐՁԸ ԿԿԱԶՄԻ 1500-1800 ԼԱՐԻ

Մարտի 20-ին, «Իմեդի» հեռուստաընկերությանը տված հարցազրույցում, Վրաստանի վարչապետ Մամուկա Բախտաձեն հայտարարեց, որ Վրաստանի առջև ծառացած են երկու զլխավոր մարտահրավերներ՝ աղքատությունն ու բռնազավթումը, որոնք արգելակում են պատմական առաքելության կատարումը:

Վարչապետն ընդգծեց, որ երկրի զարգացման կայունության ապահովման համար առաջնահերթը կրթությունն է:

- Յենց կրթությունն է դեպի ազատություն տա-

նող կարճ ճանապարհը եւ կարիքից ազատություն տանող կարճ ճանապարհը: Դա ոչ միայն բարեփոխում է, այլեւ ազգային զաղափար են մեր ան-

(Շարունակությունը՝ 2-րդ էջում)

ԽՈՐՀՐԴԱՐԱՆ

ԴԱՏԱՎՈՐՆԵՐԻ ԸՆՏՐՈՒԹՅԱՆ ԿԱՐԳԻ ՕՐԻՆԱԳԻԾԸ ԶԱՎԱՆՈՒԹՅԱՆ ԱՐԺԱՆԱՑԱՎ



Այն ընդունվեց առաջին ընթերցմամբ՝ 81 կողմ եւ 31 դեմ ձայներով: Այսպիսով, իր տրամաբանական եզրագծին հասավ

Մարտի 20-ին Վրաստանի խորհրդարանը, ձայների մածանասնությամբ, հավանություն տվեց երկրի Գերագույն դատարանի դատավորների ընտրության կարգի վերաբերյալ օրինամախազոին:

դեռեւս անցյալ տարվա դեկտեմբերից թե՛ խորհրդարանական մեծամասնությունում, թե՛ կառավարող «Վրացական երազանք» կուսակցության շարքերում, ինչպես նաեւ ընդդիմության ու ոչ կառավարական կազմակերպու-

թյունների շրջանում կայացած բուռն քննարկումները եւ պաշտոնաթողությունները:

Օրինամախազիծը խորհրդարանի քննարկմանն էին ներկայացրել խորհրդարանի նախագահ Իրակլի Կոբախիձեն, պատ-

(Շարունակությունը՝ 3-րդ էջում)

ՆՈՐ ՕԲՅԵԿՏ

«ՎՐԱՍՏԱՆԸ ՊԵՏՔ Է ԼԻՆԻ ՏԱՐԱԾԱՇՐՋԱՆԱՅԻՆ ԼԻԴԵՐ ԱՌՈՂՋԱՊԱՅՈՒԹՅԱՆ ՈԼՈՐՏՈՒՄ»

Մարտի 18-ին հանդիսավոր պայմաններում բացվեց եւ հիվանդների լրիվ ծանրաբեռնվածությամբ սկսեց գործել բազմաճյուղ «Նյու հոսպիտալս» կլինիկայի նոր մասնաշենքը:

Մասնաշենքի բացման արարողությանը ներկա էին Վրաստանի վարչապետ Մամուկա Բախտաձեն, երկրի առողջա-

պահության նախարար Դավիթ Սերգենկոն, PSP խմբի ներկայացուցիչներ: Միջոցառմանը իր խոսքում Վրաստանի վար-

չապետը նշեց, որ երկրի կարելորագույն խնդիրն է առողջապահության ոլորտում մատուցվող ծառայությունների տեսանկյունից դառնալ տարածաշրջանային լիդեր:

- Տարիներ շարունակ «Նյու հոսպիտալս»-ը հոգում է մեր քաղաքա-

ցիների առողջապահության հարցը: Ինձ համար ողջունելի է քաղաքացիների բժշկական սպասարկման բարելավման հետ կապված ցանկացած ակտիվություն: Առողջապահությունը մեր քաղաքական թիմի բարձ-

(Շարունակությունը՝ 2-րդ էջում)

ՎՐԱՍՏԱՆ - ՀԱՅԱՍՏԱՆ

ՀԱՅԱՍՏԱՆԻ ՆԱԽԱԳԱՀԸ ԾՆԴՅԱՆ ՕՐԿԱ ԱՌԹԻՎ ԸՆՈՐՀԱՎՈՐԵԼ Է ՎՐԱՍՏԱՆԻ ՆԱԽԱԳԱՀԻՆ



Հայաստանի Հանրապետության նախագահ Արմեն Սարգսյանը մարտի 18-ին ծննդյան տոնի առթիվ շնորհավորական



ուղերձ է հղել Վրաստանի նախագահ Սալոմե Ջուրաբիշվիլուն:

«Ձեր պաշտոնական այցը Հայաստան եւ դրա շրջանակներում մեր հանդիպումները բավականին արդյունավետ էին եւ մեկ անգամ եւս հնարավորություն ընձեռեցին ընդգծել հայ ու վրացի ժողովուրդների միջեւ առկա ավանդական բարեկամական հարաբերությունները եւ անդրադառնալ մեր երկրների համագործակցության հեռանկարներին»,- ուղերձում նշել է նախագահ Սարգսյանը:

Նա համոզմունք է հայտնել, որ Հայաստանի ու Վրաստանի միջեւ փոխադարձ հարգանքի եւ վստահության վրա հիմնված փոխգործակցությունը հետագայում ավելի կխորանա:

Արմեն Սարգսյանը Սալոմե Ջուրաբիշվիլուն մաղթել է քաջառողջություն, բարեկեցություն եւ նորանոր հաջողություններ:

ՀԱՅԱՍՏԱՆՅԱՆ ՄԱՍՈՒԼԻ ԷՋԵՐԻՑ

ՈՒՇԱՅԱԾ, ԲԱՅՅ ԱՆԿԵՐԾ ԽՈՍԱԿՅՈՒԹՅԱՆ ԱՆՎԻՃԵԼԻ ՕԳՈՒՏՆԵՐԸ

Ինչպես արդեն հաղորդել ենք, մարտի 13-14-ը Վրաստանի նախագահ Սալոմե Ջուրաբիշվիլին պաշտոնական այցով գտնվում էր Հայաստանում, որտեղ նա հանդիպումներ ունեցավ Հայաստանի պաշտոնատար անձանց հետ: Վրաստանի նախագահի վերոնշյալ այցը լայն արձագանք առաջացրեց նախ նրանով, որ երկկողմ հարաբերություններում առաջին անգամ լրիվությամբ բարձրացվեցին այն ցավոտ հարցերը, որոնք յուրովի արգելակում էին այդ հարաբերությունների զարգացմանը: Ստորեւ Ձեր ուշադրությանն ենք ներկայացնում այցի վերաբերյալ հայաստանյան «Առավոտ» թերթում հրապարակված հոդվածը:

Վրաստանի նախագահ Սալոմե Ջուրաբիշվիլու երկօրյա պաշտոնական այցը Հայաստան առիթ դարձավ, որպեսզի հայ-վրացական հարաբերություններում հերթական, ցավոտ եւ կատարելապես վնասակար թյուրիմացությանը մեկընդմիջտ վերջ դնելու ճանապարհին կարելուր քայլ արվի:

Դժվար է ասել՝ որքանով էր դա կանխավ պլանավորված, բայցեւայնպես, տեղի ունեցածը կարելի է ասել ճանապարհ բացեց անկեղծ

խոսակցության եւ դրանից բխող գործողությունների համար, ինչը, բացի երկուստեք օգուտից, այլ բան հաստատապես չի բերելու:

Խոսքը, մասնավորապես, տարածաշրջանի հակամարտությունների խնդրով բաց խոսակցության մասին է, որ տեղի ունեցավ երեւանում նախագահ Ջուրաբիշվիլու եւ հայաստանյան ղեկավար պաշտոնյաների միջեւ:

(Շարունակությունը՝ 4-րդ էջում)

ԴԵՄՊԱՆ ՌՈՒԲԵՆ ՍԱՊՈՅԱՆԻ ԱՇԽԱՏԱՆՔԱՅԻՆ ԱՅՑԸ ԲԱԹՈՒՄԻ ԵՎ ՕԶՈՒՐԳԵԹԻ

Վրաստանում Հայաստանի արտակարգ եւ լիազոր դեսպան Ռուբեն Սադոյանը աշխատանքային երկօրյա այցով գտնվում էր Գուրիայի երկրամասում եւ Աջարիայի Ինքնավար Հանրապետությունում:

Աշխատանքային այցի շրջանակներում, Հայաստանի դեսպանը հանդիպումներ ունեցավ Գուրիայի նահանգապետ Ջուրաբ Նասարաիայի, Աջարիայի Ինքնավար Հանրապետության կառավարության ղեկավար Թոմնիկե Ռիժվաձեի, Քոբուլեթիի քաղաքապետ Միրիան Քաթամաձեի, Բաթումիի քաղաքապետ Լաշա Կոմախիձեի հետ:

Հանդիպումներին քննարկվեցին տարբեր ոլորտներում տարածաշրջանային համագործակցության խորացման հեռանկարները:

Այցի շրջանակներում, Ռու-



բեն Սադոյանը եղավ նաեւ Օգուրգեթիի կիրակնօրյա դպրոցում, Բաթումիի Ալեքսանդր Մանթաշյանցի անվան կրթամշակութային եւ երիտասարդական կենտրոնում, տեղի Սուրբ Փրկիչ եկեղեցում, հանդիպում ունեցավ տեղի հայ համայնքի ներկայացուցիչների հետ:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ԵՎՐԱԽՆՏԵԳՐՈՒՄ

ՔՆՆԱՐԿՎԵՑԻՆ ԱԶԱՏ ԱՌԵՎՏՐԻ ՀԱՄԱԶԱՅՆԱԳՐԻ

ԿՈՆԿՐԵՏ ԱՐԴՅՈՒՆՔՆԵՐԸ




Հանդիպմանը կողմերը քննարկեցին Վրաստանի եւ Եվրամիության միջեւ ազատ առեւտրի մասին համաձայնագրի գործարկման կոնկրետ արդյունքները

մարդկային կապիտալի եւ մասնագիտական կրթության բարեփոխման, ինչպես նաեւ փոքր ու միջին արտադրությունների աջակցության ուղղությամբ

Մարտի 19-ին Վրաստանի վարչապետ Մամուկա Բախտաձեն հանդիպում ունեցավ առեւտրի հարցերով եվրակոմիսար Սեսիլիա Մալմսթրեմի հետ:

Վրաստանի կառավարության նախաձեռնությունները: Նշվեց, որ ազատ առեւտրի մասին համաձայնագիրը նշանակալի արդյունքների է հանգեցրել, ավելացել է այն ընկերությունների թիվը, որոնք եվրաշուկա են արտահանում վրացական արտադրանքը: Հանդիպմանը քննարկվեցին նաեւ արտահանման գերուժի ավելացման հետ կապված հարցեր:



ՇՆՈՐՀԱՎՈՐԱՆՔՆԵՐ՝ ՆՈՎՐՈՒՋ ԲԱՅՐԱՍԻ ԱՌԹՎ

Վրաստանի նախագահ Սալոմե Ջուրաբիշվիլին Քվեմո Քարթլի կատարած աշխատանքային այցի շրջանակներում, Գարբաղանիում տեղի աղբյուրներից շնորհավորեց Նովրուզ Բայրամի առթիվ: Մահմեդական տոնի կապակցությամբ, իր շնորհավորական ուղերձը հղեց նաեւ Վրաստանի վարչապետ Մամուկա Բախտաձեն: Նա Մառնեուլիում մասնակցեց Նովրուզ Բայրամի տոնական միջոցառումներին:

ՄԻՋԱՆԿՅԱԼ ԸՆՏՐՈՒԹՅՈՒՆՆԵՐԸ՝ ՄԱՅԻՍԻ 19-ԻՆ

Թբիլիսիի Մթածմինդա ընտրատարածքում խորհրդարանի միջանկյալ ընտրությունները տեղի կունենան 2019 թվականի մայիսի 19-ին: Թիվ 31 ընտրատարածքում գրանցված է 43 հազար 868 ընտրող: Այդ ընտրատարածքում միջանկյալ ընտրությունների անցկացման անհրաժեշտություն եղավ այն բանից հետո, երբ այդ շրջանից մեծամասնական ընտրակարգով պատգամավոր ընտրված Սալոմե Ջուրաբիշվիլին, անցած տարեվերջին տեղի ունեցած ընտրությունների արդյունքում, զբաղեցրեց Վրաստանի նախագահի պաշտոնը:

Մայիսի 19-ին միջանկյալ տեղական ընտրությունները կանցկացվեն նաեւ առանձին մունիցիպալիտետներում, մասնավորապես՝ Մառնեուլիում, Ադիգենիում:

ԿՏՐՎԻ ՎՐԱՍՏԱՆԻ ՔԱՂԱՔԱՑՈՒ ԱՆՎՃԱՐ ԱՆՁՆԱԳԻՐ

- Արտասահմանում գտնվող Վրաստանի քաղաքացիները մայիսին անվճար կստանան Վրաստանի քաղաքացու անձնագիր, - այս մասին հայտարարեց Վրաստանի արդարադատության նախարար Թեա Ծուլուկիանին: Նախարարի խոսքով, ակցիան շարունակվելու է մեկ ամսվա ընթացքում:

- Նախորդ տարի հյուպատոսարաններում ունեինք ակցիաներ, արտասահմանում գտնվող մեր հայրենակիցների համար անձնագիրը տրվում էր 50 դոլարով: Սա այս փաստաթղթի արժեքի 70 տոկոսանոց զեղչն էր, - հայտարարեց Թեա Ծուլուկիանին:

Նախարարի խոսքով, ակցիայի շրջանակներում, անվճար կփոխվեն նաեւ հին նմուշի (թղթե) անձնական վկայականները. նման փաստաթուղթ ունեցող քաղաքացիները, հին վկայականի փոխարեն, կարող են անվճար ստանալ ID նոր վկայականներ:

ԽՈՐՀՐԴԱՐԱՆ

ՊԱՏԱՎՈՐՆԵՐԻ ԸՆՏՐՈՒԹՅԱՆ ԿԱՐԳԻ ՕՐԻՆԱԳԻԾԸ ՀԱՎԱՆՈՒԹՅԱՆ ԱՐԺԱՆԱՅՎ

(Սկիզբը՝ 1-ին էջում)

գամավորներ Արչիլ Թալալվաձեն, Մամուկա Մոխնարաձեն, Անրի Օխանաշվիլին, Գիորգի Կախիանին, Դավիթ Մատիկաշվիլին եւ Գուրամ Մաճարաշվիլին:

Օրինադատության համաձայն, «Ընդհանուր դատարանների մասին» օրենքում իրականացվելիք փոփոխություններով կարգավորվում է ար-

դարադատության գերագույն խորհրդի կողմից երկրի Գերագույն դատարանի դատավորների թեկնածուների ընտրության ընթացակարգը, սահմանվում որակյալ պահանջներ եւ ընթացակարգեր արդարադատության գերագույն խորհրդի կողմից ընտրված թեկնածուներին խորհրդարանին ներկայացնելու հարցում: Օրինադատության համաձայն, վերոնշյալ ընթացակարգը պայ-

մանականորեն կարելի է բաժանել 5 փուլի:

Վերոնշյալ օրինադատագծի հարցով քվերակությունից հետո, Վրաստանի խորհրդարանի նախագահ Իրակլի Կոբախիձեն հայտարարեց, որ խորհրդարանական մեծամասնությունը ցանկանում է Գերագույն դատարանի դատավորների նշանակման սկզբունքների եւ չափորոշիչների վերաբերյալ նախագիծն ընդու-

նել առաջիկա երկու շաբաթների ընթացքում: Նա հույս հայտնեց, որ այդ ժամանակահատվածում իր եզրակացությունը կներկայացնի նաեւ Վենետիկի հանձնաժողովը, սակայն, եթե եզրակացությունը առաջիկա ժամանակամիջոցում չստացվի, մեծամասնությունը պատրաստ է օրինադատագծի երկրորդ ընթերցմամբ քննարկումը հետաձգել եւս երկու շաբաթով:

ՍՈՑԻԱԼԱԿԱՆ

50-ԱԿԱՆ ԼԱՐԻ՝ ՍՈՑԻԱԼԱԴԵՍ ԱՆԱԴԱՅՈՎ ԵՐԵՒԱՆԵՐԻՆ

Մարտի 20-ից սոցիալապես անապահով ընտանիքների համար սկսվեց մանկական 50 լարիանոց օգնությունների փոխանցումը:

«100 001 միավորից պակաս ունեցող ընտանիքները, ամեն՝ մինչեւ 16 տարեկան ամեն անդամի համար կստանան 50 լարի օգնություն:

Որոշ մունիցիպալիտետներում, վերոնշյալ 50 լարին հնարավոր կլինի հանել հաշվից գումարի տեսքով, իսկ որոշ շրջաններում այդ գումարից 20 լարին կփոխանց-

վի ընտանիքի անդամների բանկային քարտի վրա, իսկ 30 լարին երեխայի սննդի քարտին»,- հայտարարել են սոցիալական ծառայությունների գործակալությունում:

Նրանց լրատվությամբ, երեխայի սննդի քարտով հնարավորություն կլինի գնել միայն սնունդ:

ՎՐԱՍՏԱՆ - ՆԱՏՕ

ՊԱՇՏՊԱՆՈՒՆԱԿՈՒԹՅԱՆ ԲԱՐՁՐԱՑՄԱՆ ՈՒՂՎԱԾ ԶՈՐԱՎԱՐԺՈՒԹՅՈՒՆ

(Սկիզբը՝ 2-րդ էջում)


Ինչպես հայտնեցին գերատեսչությունից, «NATO-Georgia Exercise 2019» զորավարժությունները երկրորդ բազմազգ վարժանքներն են Վրաստանում, որոնք կանցկացվեն ՆԱՏՕ-ի հետ երկրի համագործակցության փաթեթի իրագործման շրջանակում, որը 2014 թվականին ընդունվել է Ուելսի զագաթաժողովում:

«Զորավարժությունների նպատակը Վրաստանի պաշտ-

պանության ուժերի եւ ՆԱՏՕ-ի անդամ ու գործընկեր երկրների զինված ուժերի փոխհամատեղելիության խորացումն է, դաշինքի անդամ ու գործընկեր երկրների հետ համագործակցության ընդլայնումը, ճգնաժամային իրավիճակներին համապարփակ հակազդման մշակումը»,- հավելել են նախարարությունում: Գերատեսչությունում նշեցին, որ «Մարտի 25-ին զորավարժությունների ընթացքին կհետեւի ՆԱՏՕ-ի գլխավոր քարտուղար

Ենա Ստոլտենբերգը»: Զորավարժությունները կավարտվեն մարտի 29-ին: Մարտի 16-ին Վրաստանի պաշտպանության նախարար Լեւան Իզորիան հայտարարել է, որ NATO-Georgia Exercise 2019 զորավարժություններն ուղղված չեն Ռուսաստանի կամ որեւէ այլ պետության դեմ եւ զուտ պաշտպանողական բնույթ են կրում: Զորավարժությունների բաց-

ման արարողությանը ներկա էին Վրաստանի պաշտպանության նախարարի առաջին տեղակալ Լեւա Չիքովանին եւ ՆԱՏՕ-ի միավորված ուժերի կրթական կենտրոնի (JFTC) իրամասնատարի տեղակալ, բրիգադի գեներալ Լադիսլավ Յուկոն:



ՕՐԵՆՄՐԱԿԱՆ

ՔԱՂԱՔԱՑԻՈՒԹՅԱՆ ՊԱՅՊԱՆՄԱՆ ՀԱՄԱՐ՝ 250-500 ԼԱՐԻ

Վրաստանի արդարադատության նախարարությունը երկրի քաղաքացիների համար սահմանել է Վրաստանի քաղաքացիության պահպանման ընթացակարգի սակագինը, այլ երկրի քաղաքացիություն ընդունելու դեպքում:

Գերատեսչության կայք-էջում տեղակայված տեղեկատվության համաձայն, օրացուցային 80 օրվա ընթացքում, Վրաստանի քաղաքացիության պահպանման եզրակացության պատրաստման սակագինը կազմում է 250 լարի, արագացված կարգով օրացուցային 60 օրվա ընթացքում եզրակացության ստացման համար՝ 350, իսկ օրացուցային 30 օրվա դեպքում՝ 500 լարի:

Այլ երկրի քաղաքացիություն ստանալու դեպքում, Վրաստանի քաղաքացիությունը կպահպանվի նրանց համար, ովքեր մինչեւ այլ երկրի քաղաքացիություն

ստանալը, կստանան քաղաքացիության պահպանման հարմար վրացական պետության համաձայնությունը:

Այլ երկրի քաղաքացիությունը ստանալու դեպքում, Վրաստանի քաղաքացիության պահպանման հարցում համաձայնությունը տրվում է այն դեպքում, երբ Վրաստանի հետ քաղաքացու կապը կհամարվի համոզիչ, իսկ դրա համար հանձնաժողովը հաշվի է առնում հետեւյալ հանգամանքները:

1.Կենսագրական տվյալները, որոնք հնարավորություն են տալիս գնահատել

- Վրաստանի հետ քաղաքացու կապը:
- 2.Վրաստանում անշարժ գույքի տնօրինությունը:
- 3.Վրաստանում աշխատելը:
- 4.Ընտանիքի անդամների իրավական կապերը Վրաստանի հետ:

Անչափահասը, ով Վրաստանի քաղաքացիության հետ միասին, ծնունդից ելնելով ունի այլ երկրի քաղաքացիություն, մինչեւ 18 տարեկան դառնալը պահպանում է Վրաստանի քաղաքացիությունը: Եթե մինչեւ այդ ժամկետը չներկայացվի դիմում Վրաստանի քաղաքացիության պահպանման համար, նա ավտոմատորեն զրկվում է քաղաքացիությունից: Անչափահասների դեպքում, Վրաստանի քաղաքացիության պահպանումը հնարավոր է ծնող-

ների կամ օրինական ներկայացուցիչների դիմումի հիման վրա: Եթե դիմումը ներկայացվում է ծնողներից միայն մեկի կողմից, ապա անհրաժեշտ է նաեւ երկրորդ ծնողի համաձայնությունը:

Եթե մինչեւ 2018 թվականի օգոստոսի 15-ը այլ երկրի քաղաքացիություն ստանալու կապակցությամբ, Վրաստանի քաղաքացիությունից զրկվելու մասին երկրի քաղաքացու հարցով որոշումը չի ընդունվել, ապա նա իրավասու է մեկ տարվա ընթացքում, սկսած 2018 թվականի օգոստոսի 15-ից, Վրաստանի քաղաքացիության պահպանման պահանջով դիմել պետական սպասարկումների զարգացման գործակալություն:

ԱՐԵՎԻԿԱ ՄԱՆՈՒԿՅԱՆ

ՀԱՅԱՍՏԱՆՅԱՆ ՄԱՍՈՒԼԻ ԷՋԵՐԻՑ

ՈՒՇԱՑԱԾ, ԲԱՅՑ ԱՆԿԵՂԾ ԽՈՍԱԿՑՈՒԹՅԱՆ ԱՆՎԻՃԵԼԻ ՕԳՈՒՏՆԵՐԸ

(Սկիզբը՝ 1-ին էջում)

Վրաստանի նախագահի այցը Հայաստան հաջորդեց նրա՝ ավելի վաղ Ադրբեջան կատարած այցին, որտեղ նախագահի արված հայտարարություններում տեղ գտած որոշ ձեռակերպումները թույլ տվեցին Բաքվին հետևելու թույլտվությունները բարձրաձայնել, թե իբր թիվիսին այլևս միանշանակորեն «պաշտպանում է» Ադրբեջանի «տարածքային ամբողջականությունը» հենց այն ձևով, որ ձեռով ցանկանում է Ալիևի ռեժիմը: Մասնավորապես, ըստ մամուլի Ձուրաբիշվիլին, Բաքվում դիմելով Ալիևին, ասել էր.

- Մենք գրեթե միաժամանակ վերականգնեցինք մեր երկրների անկախությունը եւ ունեցանք նույնաման որբերություններ: Այնուհետեւ ճշգրտելով, որ «նույնաման որբերություններ» ասելով նկատի ունի հենց «տարածքների օկուպացիան»:

- Օկուպացիոն գծերը մեզ համար եւս անբուժելի վերք են,- հավելել է Վրաստանի նախագահը՝ ասելով նաեւ, որ իր գոհունակությունն է հայտնում, որ Վրաստանը եւ Ադրբեջանը, չնայած օկուպացիային, կարողացել են ամրապնդել իրենց պետականությունն ու զարգացնել տնտեսությունը: Թեման իր շարունակությունը գտավ եւ չէր կարող չգտնել Երեւանում: Պաշտոնական հաղորդագրություններից հայտնի դարձավ, որ այդ հարցն արժարժվեց, մասնավորապես, Հայաստանի Ազգային ժողովի նախագահ Արարատ Միրզոյանի հետ հանդիպման ընթացքում, ընդ որում՝ տարածաշրջանային անվտանգության համատեքստում:

Աժ նախագահին անդրադարձ է կատարել տարածաշրջանային անվտանգության խնդիրներին: Լեռնային Ղարաբաղի հիմնախնդրի առնչությամբ Հայաստանի Աժ խոսնակն ընդգծել է, որ մեր երկրի իշխանությունները կողմ են խնդրի խաղաղ բանակցային կարգավորմանը ԵԱՀԿ Մինսկի խմբի համանախագահության ձեռաչափում հավելելով, որ Վրաստանը՝ որպես ԵԱՀԿ մասնակցի պետություն, միացել է Մինսկի խմբի ձեռաչափում կարգավորմանը:

«Ուստի, մենք պետք է ջանքեր գործադրենք, որպեսզի հավասարակշիռ ու չեզոք ձեռակերպումներն այսուհետ եւս ուղենիշ լինեն Լեռնային Ղարաբաղի վերաբերյալ բոլոր հայտարարություններում,- ընդգծել է Արարատ Միրզոյանը: Այս համաձայնությունն նա իր մտահոգությունն է հայտնել Թուրքիայի, Ադրբեջանի եւ Վրաստանի արտաքին գործերի նախարարների՝ 2018թ. հոկտեմբերի 29-ի համատեղ հայտարարության վերաբերյալ, որտեղ նշվում էր հակամարտության կարգավորման սկզբունքներից միայն մեկը: Աժ նախագահի խոսքով, հայ հասարակության շրջանում մտահոգություն են առաջացրել նաեւ Վրաստանի նախագահի՝ վերջերս Բաքու կատարած այցի ընթացքում հնչած որոշ ձեռակերպումներ: Այս առումով խորհրդարանի ղեկավարն անընդունելի է համարել տարբեր հակամարտությունների համար ընդհանրացված մոտեցումները»,- կարդում ենք Աժ պաշտոնական հաղորդագրության մեջ:

Իհարկե, Հայաստանի դիրքորոշումը միանգամայն հասկանալի է եւ արդարացված, սակայն, այստեղ կան նաեւ «ստորերյալ քարեր», որոնք հայկական դիվանանագիտության ճանապարհին ամենայն անպատասխանատվությամբ ու առատորեն լցվել են անցած տարիների ընթացքում:

Նախագահ Ձուրաբիշվիլին իր հերթին տվեց դրա պատասխանը, որը հայկական պաշտոնական հաղորդագրության մեջ տեղ չգտավ, բայց դրա մասին հաղորդեց Վրաստանի Հանրային հեռուստատեսությունը: Վրաստանի նախագահի խոսքով, երկու երկրների խորհրդարանների համագործակցությունը հակամարտությունների հարցերով շատ կարեւոր է:

- Դուք նույնպես հիշատակեցիք մեր համագործակցությունը հակամարտությունների հարցում, եւ դա շատ կարեւոր է: Այդ հակամարտություններն, ըստ ամենայնի, մեր տարածաշրջանի համար այն են, ինչն ամենաշատն է սահմանափակում մեր համատեղ առաջընթացը: Ինչպես դուք գիտեք, Վրաստանում կան երկու օկուպացված տարածքներ, եւ երբ մենք խոսում ենք երկրի շահերի մասին, մեզ համար գլխավոր եւ միակ շահն այն է, որպեսզի մեր ինքնիշխանությունն ու տարածքային ամբողջականությունը ճանաչվեն, ճանաչվեն ոչ միայն խոսքով, այլեւ փաստացի: Այդ տեսակետից շատ տխուր է, որ Լեռնային Ղարա-

բաղից պատվիրակություններ են գալիս Աբխազիա եւ «Հարավային Օսեթիա» եւ հարց դնում, իբր հակամարտությունները նույն տիպի են, եւ փնտրում ինչ-որ սիմետրիա, մեզ համար դա շատ տխուր է ու ցավալի: Մենք կարծում ենք, որ այստեղ չկա այն բարյացակամությունը, որը պետք է լինի մեր երկրի նկատմամբ:

Սա չափազանց կարեւոր հայտարարություն է, որով տիկին նախագահը, փաստորեն, չեղարկել է իր՝ ավելի վաղ Բաքվում կատարած հայտարարությունը: Այսինքն, ըստ երեւանյան հայտարարության, Լեռնային Ղարաբաղի հակամարտությունը եւ Վրաստանի հակամարտություններն այնուամենայնիվ նույնը չեն, սիմետրիկ չեն:

Այսինքն, եթե արտաքուստ սա կարող է թվալ դիվանագիտական «փոխիրաձգություն», իրականում սրանք շատ կարեւոր արձանագրումներ են, որոնք, ի պատիվ պաշտոնական Երեւանի ու Թբիլիսիի, այնուամենայնիվ, թեկուզեւ ուշացած, բայց արվեցին:

Ի վերջո, ի՞նչ են իրարից ուզում այս հարցում Վրաստա-



ն ու Հայաստանը: Փաստացի, ոչ ավելին, քան այն, ինչն արձանագրված է նրանց պաշտոնական դիրքորոշումներում եւ միջազգային պարտավորություններում, ինչպես նաեւ չեղվել այն ամենից, ինչն արդեն պաշտոնապես ֆիքսված է:

Համեմայնդեպս, պաշտոնական Թբիլիսին, 90-ականների սկզբից պահպանել է բալանսավորված դիրքորոշումը Լեռնային Ղարաբաղի հակամարտության կողմներից ճանաչված սուբյեկտների նկատմամբ՝ Հայաստանի եւ Ադրբեջանի, իսկ Արցախի բնակիչների համար որեւէ խոչընդոտ չի եղել, ասենք Վրաստան այցելելու՝ որպես զբոսաշրջիկ, այլ գործունեություն ծավալելու հարցում, ինչը թույլատրված է այլ օտարերկրացիների համար: Ի վերջո, բացի նրանից, որ Վրաստանում կոմպակտ ապրում են հայ եւ ադրբեջանցի փոքրամասնությունները, Վրաստանը Հայաստանի հիմնական կապն է արտաքին աշխարհի հետ, նաեւ Ադրբեջանի ածխադրածինների համար է «կյանքի ճանապարհ», եւ Թբիլիսին այլ դիրքորոշում ուղղակի չի կարող ունենալ, քան բալանս պահպանելն ու դրանով ստանձնելով տարածաշրջանում կարեւորագույն կայունացնող գործոնի դերը:

Իսկ պաշտոնական Երեւանը երբեւէ կասկածի չի ենթարկել Վրաստանի տարածքային ամբողջականությունը, ներառյալ՝ Աբխազիան եւ «Հարավային Օսեթիան», նույնիսկ երբ «մեր դարավոր բարեկամն» անցել է ուղղակի ճնշումների, ինչպես դա եղավ 2008-ին, երբ Մոսկվան ներխուժեց Վրաստան ու նաեւ դրանից հետո: Եվ եթե ռուսներին հաջողվեց Ասադին հանդգել ճանաչել դրանց «անկախությունը» եւ անդամակցել Վանուատուի եւ Նիկարագուայի հետ նույն «պատվավոր ակումբին», ապա չհաջողվեց նույնիսկ Սերժ Սարգսյանի պարագայում: Եվ Երեւանը որեւէ կերպ եւ երբեւէ չի պնդել, որպեսզի Վրաստանը բացահայտ «պրոհայկական» դիրքերից հանդես գա, ու եթե դա տեղի չունենա, ապա մենք էլ նրանց հակառակ քայլեր կանենք, ասենք, Աբխազիայի եւ «Հարավային Օսեթիայի» հարցերում: Հասկանալի է, որ Վրաստանի ամենա«պրոհայկական» քաղաքականությունը, որն ակնկալում է Երեւանը, դա բալանսավորված դիրքորոշումն է, բարյացակամ չեզոքությունը, երկկողմ հարաբերությունների խորացումն ամենալայն սպեկտրով՝ տնտեսությունից մինչեւ անվտանգություն, եւ Թբիլիսիում դրա մասին լավատեղյակ են ու միշտ էլ կողմ են եղել դրան:

Իհարկե, առանձին պատմություն է Արցախի պաշտո-

նական պատվիրակությունների՝ Աբխազիա եւ «Հարավային Օսեթիա» պարբերական այցերի կամ տարբեր առիթներով պաշտոնական «շնորհավորանքների» խայտառակ պրակտիկան, ինչն ուղղակի հարվածի տակ է դնում Հայաստան-Վրաստան հարաբերությունները, սպառնում Հայաստանի միջազգային դիրքերին, հարվածում Արցախի շահերին ու միջազգային հեղինակությանը եւ ջուր են լցնում ռուսական ջրաղացին՝ Բաքվին առիթ ու հնարավորություն տալով Վրաստանի հետ հարաբերություններում դա դեմ տալ՝ որպես փաստարկ, թե ինչու պիտի Վրաստանը միասնական հայտարարություն ստորագրի Անկարայի եւ Բաքվի հետ՝ տարածքային ամբողջականության վերաբերյալ: Սա արդեն մեր ներքին խոսակցությունն է:

Այո՛, իրականությունն այն է, որ հակամարտությունները ոչ միայն տարբեր են եւ սիմետրիկ չեն, այլեւ դրանք սիմետրիկ համարելն ուղղակի վիրավորական է Արցախի համար: Չափազանց ուշագրավ է նաեւ այն, որ նախագահ Ձուրաբիշվիլու այցի օրերին Հայաստան այցելեց նաեւ ԵԱՀԿ գործող նախագահ, Մոլդավիայի ԱԳ նախարար Միրոսլավ Լայչակը, որը բացի Հայաստանի ղեկավարների հետ պաշտոնական շփումներից, նաեւ կարեւոր եւ օգտակար պաշտոնական հանդիպում ունեցավ Արցախի ԱԳ նախարար Մասիս Մայիլյանի հետ: Իսկ դա ուղղակի անպատկերացնելի է Աբխազիայի ու «Հարավային Օսեթիայի» պարագայում եւ լավագույնս է ընդգծում, թե մենք ո՞ր, նրանք ո՞ր, երբ քո անկախությունն, ի շարս յոթ նահանգների ԱՄՆ-ը ճանաչել է Կալիֆոռնիան, որի ՀՆԱ-ն գրեթե երկու անգամ մեծ է մեր «ռազմավարական դաշնակցից»: Եվ դու գնում ես, ասենք Ցիլինվալի, որ ի՞նչ անես, ի՞նչ ապացուցես, որ ի՞նչ լինի դրանից հետո:

Մենք պետք է ի վերջո հասնենք նրան, որ Ստեփանակերտից պաշտոնական պատվիրակությունները պաշտոնական այցերով գնան Թբիլիսի, Քիշնեւ ու Կիւեւ, շնորհավորական ուղերձներ փոխանակեն Վրաստանի, Ուկրաինայի եւ Մոլդովայի ղեկավարների հետ, այլ ոչ թե

Կրեմլի մթերային բավարարման հույսին մնացած՝ կոռումպացված եւ կրիմինալ իզգոյների հետ: Արցախը բացառիկ հակամարտություն է հետխորհրդային տարածքում եւ ենթադրում է բացառիկ լուծում, ու դա կապ չունի Վրաստանի, Ուկրաինայի եւ Մոլդովայի տարածքային ամբողջականության հետ, որը մենք ճանաչում ենք անվերապահորեն, դա կապ չունի Ադրբեջանի՝ Բաքվի վարկածի «տարածքային ամբողջականություն» հետ, որն էլ իր հերթին կապ չունի իրականության հետ ու լուրջ կոնֆլիկտ ունի ուղղակի բանականության եւ բարոյականության հետ: Եվ վերջապես, Վրաստանի նախագահի Երեւանյան այցը խթան հանդիսացավ պաշտոնական Երեւանի համար, որ իր արտաքին քաղաքականության «գույքագրման» ճանապարհին մաքրի այն ողջ աղբը, որը գոյություն ունի նաեւ Հայաստանի եւ Ուկրաինայի միջեւ հարաբերություններում, որն ունի նույն արատավոր ծագումնաբանությունը ու Հայաստանին շատ գործընթացներից դուրս է թողնում՝ սպասարկելով բացառապես Ռուսաստանի կայսերական շահերը՝ բացառապես ի հաշիվ մեր պետականության արժանապատվության ու ուղղակի վնաս հասցնելով հայկական շահերին: Միջազգային հանրությունը Վրաստանի, Ուկրաինայի եւ Մոլդովայի տարածքային ամբողջականությունը դիտարկում է մեկ փաթեթում՝ որպես անսակարկելի ու Ռուսաստանի կողմից օկուպացիայի համատեքստում: Եվ ժամանակն է հասկանալ, որ չի կարելի քայլեր անել, որոնք Բաքվին հնարավորություններ կբացեն խցկել իր «տարածքային ամբողջականության» մասին թեզը նույն զամբյուղի մեջ, իսկ Հայաստանին ընկալել որպես Մոսկվայի արբանյակ: Իսկ այս հակամարտությունները կարեւորագույն ցուցիչ են, եւ կան բոլոր հիմքերը պայմանավորվելու, որպեսզի միջազգային հարթակներում մենք իրար դեմ չքվեարկենք (ի վերջո, գոյություն ունի «ձեռնպահ») կոճակ, կամ ուղղակի կարելի է չքվեարկել, մնա՞նք համահունչ միջազգային հանրության դիրքորոշմանը հետխորհրդային հակամարտությունների պարագայում, իսկ Ղարաբաղյան հակամարտության պարագայում՝ Մինսկի խմբի եռանախագահության դիրքորոշմանը, այլ ոչ թե Կրեմլի կամ Բաքվի կլեպտոկրատիաների քմահաճությամբների համահունչ:

ՌՈՒՐԵՆ ՄԵՐՈՐԵՅԱՆ

«Առավոտ» օրաթերթ,
19.03.2019թ.

2019-Ը ԹՈՒՄԱՆՅԱՆԱԿԱՆ ՏԱՐԻ

ՀԱՅԱՍՏԱՆՅԱՆ ԱՎՏՈՒՐՇԱՎ՝ ՆՎԻՐՎԱԾ ԹՈՒՄԱՆՅԱՆԻ 150-ԱՄՅԱԿԻՆ

Հայաստանի ավտոմոբիլային ֆեդերացիայի «Հին եւ պատմական մեքենաների ակումբը» մարտի 23-ին՝ Ամենայն Հայոց բանաստեղծ Յովհաննես Թումանյանի մահվան օրը, կազմակերպում է ավտոարշավ՝ նվիրված Թումանյանի ծննդյան 150-ամյակին:

Ավտոարշավի երեւանյան մասնակիցները իրենց ավտոարշավը սկսվեցին այսօր՝ մարտի 23-ին, Երեւանի Թումանյանի տուն-թանգարանի տարածքից, որտեղ Հայաստանի ավտոմոբիլային ֆեդերացիայի նախագահ, ծնունդով քրիլիսցի Գագիկ Աղաջանյանը եւ «Հին ու պատմական

մեքենաների ակումբի» ղեկավար Օնիկ Ջաքարյանը մասնակիցներին ու լրագրողներին ներկայացրին ավտոարշավի մանրամասները: Նրանց խոսքով, Երեւանից ավտոշարայունը կշարժվի Դսեղ՝ Թումանյանի ծննդավայր, որտեղ կայցելեն Թումանյանի տուն-թանգարան: Դսեղից

կշարժվի Թբիլիսի, որտեղ երեկոյան կտրվի ընթրիք: Ընթրիքին ներկա կլինեն նաեւ Վրաստանի խորհրդարանի պատգամավորներ, դեսպանատան ներկայացուցիչներ, գործարարներ, Վրաստանի ավտոմոբիլային ֆեդերացիայի նախագահը, Վրաստանի ավտոփոխադրողների ասոցիացիայի գլխավոր քարտուղարը, ուրիշներ:

Մարտի 24-ին, ավտոարշավի մասնակցները Հավլաբարի Սուրբ Էջմիածին եկեղեցում ներկա կգտնվեն Վիրահայոց թե-

մի առաջնորդ Վազգեն Եպիսկոպոս Միրզախանյանի մատուցած պատարագին: Եկեղեցուց կշարժվեն Թբիլիսիի Խոջիվանքի պանթեոն, որտեղ նույնպես կլինի ծաղկեպսակների տեղադրման արարողություն, հենց պանթեոնում էլ տեղի կունենա Հայաստանի ավտոմոբիլային ֆեդերացիային դիմում ներկայացրած անձանց անդամատոմսերի հանձնումը:

Այս ամենից հետո, ավտոշարայունը կվերադառնա Երեւան: